

ত্ৰিপুৰা হাফাঙ
ককথুম তেই হুকুম দাগিখুঙ

স- ১৮২৩

আগৰতলা, ২১ জুলাই, ২০২৫

গোমতী হাঙখৰনি ভেটেরিনাৰি হসপিটালনি কীতাল পাকা নকন' চেঙগাঁই ৰীখা
হাসতেনি কামি আমচায়নি ৰাঙথঙ তাবুক কীৰাক আঙগাঁই তঙগ' : ৰাঙমন্ত্ৰি

উদয়পুৰনি ব্ৰহ্মাবাড়িঅ কীতাল তাঙজাক গোমতী হাঙখৰ ভেটেরিনাৰি হসপিটালনি কীতাল পাকা নকন' থাঙনায় ১৮ জুলাইঅ ৰাঙ নায়খুঙনি মন্ত্ৰি প্ৰণজিৎ সিংহৰায় চেঙগাঁই ৰীখা। চেঙমুঙনি পানদাঅ নগৰায় অকরা আঙগাঁই মানজাক ফায়খা মালমাতা হামক্ৰায় নায়খুঙনি মন্ত্ৰি সুধাংশু দাস। ভেটেরিনাৰি হসপিটালনি' চেঙগাঁই ৰীই ৰাঙমন্ত্ৰি প্ৰণজিৎ সিংহ ৰায় সাখা, কেন্দ্ৰ হাফাঙ তেই হাসতে হাফাঙনি জুদা জুদা সামুঙবীতাংনি সেপ-সাপ চুকজাক বেনিফিসিয়াৰিনি থানি তুনজাক তঙগ'। বনি বিসিংতাই মালমাতা ৰিনায়ৰক, আ ৰিনায়ৰক, হুকবাব খীলায়নায়ৰকনি আজিমুঙ বাঙগাঁই তঙগ'। হাসতেনি কামি আমচায়নি ৰাঙথঙ তাবুক কীৰাক আঙগাঁই তঙগ'। ব' সাখা, পায়থাগ লুকুৰকনি সিমি চেঙগাঁই জত' চুগমাৰি গীনাঙ নুখুঙৰকন' হাফাঙনি সামুঙবীতাংনি বিসিং খবনানি সামুঙ তাঙজাগাঁই তঙগ'। জুদা জুদা হাফাঙনি সামুঙবীতাংনি ৰাঙথঙনি সেপ দাদাক-সিদাক বেনিফিসিয়াৰিকনি ব্যাঙ্ক অ্যাকাউন্টঅ ৰীজাগাঁই তঙগ'। বনি বিসিংতাই লুকুৰক জীঙজালঅ কীলায়লিয়া। হাফাঙনি সামুঙগ' কীচাঙ আঙমানি নুকজাকখা। জুদা জুদা সামুঙবীতাংনি সেপ ৰমনানি বাগাঁই ব' জতনি থানি কক কীচাৰখা।

পানদাঅ নগৰায় অকরা মালমাতা হামক্ৰায় নায়খুঙনি মন্ত্ৰি সুধাংশু দাস সাখা, হাঙখৰনি ভেটেরিনাৰি হসপিটালনি কীতাল পাকা নক তাঙমানি বাগাঁই মালমাতা ৰিনায়ৰকনি থানি কীতাল সাকহামনি সেপ তুনথানি কীলায় আঙনায়। ব' সাখা, মালমাতাৰকনি বেমাৰি কাসুনানি ফান বাঙৰীনানি বাগাঁই টিকা ৰীমুঙনি সামুঙবীতাং তেই সাকহামনি সেপ ৰীজাগাঁই তঙগ'। জুদা জুদা সাব সেন্টাৰ, ডিসপেনসারি তেই ডিস্ট্ৰিক্ট সাকহাম নগ' মাগীনাঙ অ সেপ ৰীজাগাঁই তঙগ'। আবন' কাৰীই মোবাইল ভ্যাননি সেপব' ৰীজাগাঁই তঙগ'। হাসতেঅ তাবুক ১৩টা অ্যাম্বুলেন্সনি বিসিংতাই নাঙমানি সেপ ৰীজাগাঁই তঙগ'। হাসতেঅ আ, মুয়হান, দুধ, তকতাই মানথকমুঙ বাঙৰীনানি বাগাঁই জুদা জুদা সামুঙবীতাং সামুঙগ' বজাগাঁই তঙগ'। মুঙসাসীক পাতিমুঙনি বাগাঁই দেৱাঅ কীলায়জাক মালমাতা ৰিনায়ৰকন' ৰাঙথঙনি চুবাচু ৰীনানি বাগাঁইব' নায়খুঙ লুডাজিমুঙ ৰমখা।

পানদাঅ ককমুঙ নাৰীকখা এমএলএ ৰামপদ জমাতিয়া। পানদান' তীয়দুলখা উদয়পুৰ পুৰ পৰিষদনি ভাইস চেয়াৰপাৰ্সন প্ৰদীপ দেবনাথ। লামসগাঁই ককমুঙ নাৰীকখা মালমাতা হামক্ৰায় নায়খুঙনি সেক্ৰেটাৰি দীপা ডি নায়ৰা। পানদাঅ মানজাক ফায়খা গোমতী জিলা পৰিষদনি সভাধিপতি দেবল দেবৰায়, এমএলএ অভিষেক দেবৰায়, গোমতী হাঙখৰনি ডিএম ৰিষ্ক লাথের, মালমাতা হামক্ৰায় নায়খুঙনি দাগিফাঙ ড. এন কে চঞ্চল, সোশাল ওয়াকীৰ সবিতা নাথ আকসঙ। গোমতী হাঙখৰনি ভেটেরিনাৰি হসপিটালনি' তাঙনাঅ বায়খা ৰাঙ ১ কোটি ১২ লক্ষ।
